



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

13. An sponsa possit resiliere à sponsalibus, quando sponsus permittit se
ab alia impudicè tangi per oscula, amplexus, &c. Et quid, si huiusmodi
oscula, & tactus fortè essent frequentes? Et an ...

[urn:nbn:de:hbz:466:1-76405](https://nbn-resolving.de/urn:nbn:de:hbz:466:1-76405)

RESOL. XIII.

An sponsa possit resilire a sponsalibus, quando sponsus promittit se ab alia impudice sanguis per oscula, & tactus, amplexus, &c?

Et quid, si huiusmodi oscula, & tactus forte essent frequentes?

Et an sponsalia, etiam si iurata sint, dissoluuntur, si alter ex contrahentibus fornicationem admiserit? Ex part. 3, tr. 4, Ref. 282, alias 283.

S. 1. **N**otandum est ex cap. quemadmodum 23, de iure iurando, si alter ex contrahentibus fornicationem admiserit, sponsalia dissoluuntur, etiam si iurata sint, dissoluuntur tamen in fauorem innocentis, & ideo si innocens adhuc velit contrahere, alter tenetur. Ethoc procedit, etiam sponsa per vim cognita fuerit, & omnino tenuens, His suppositis ex Basilio Pontio de matrim. lib. 12, cap. 17, num. 3, & aliis communiter, queritur an sicut sponsus potest resilire a sponsalibus, quando sponsa permittit se impudicè tangi per oscula, amplexus, &c, an inquam, hoc licet iurata sponsa, quando sponsus id efficeret. Respondeo negatiuè cum Reginaldo tom. 2, lib. 31, cap. 36, num. 262, & Sanchez tom. 1, lib. 1, disp. 55, num. 5, quia id sponsa non est dedecus, nec est mutatio aliquius momenti, & solidi pares sunt ratione mutua fornicationis ad dissoluenda sponsalia. Verum de hac sententia dubitat Gutierrez de matr. cap. 31, n. 1, in fine, & illam limitat Coninch de Sacram. disp. 23, dub. 7, n. 56, & Layman in Theol. mor. lib. 5, tr. 10, p. 1. c. 2, n. 11, nisi forte eiusmodi oscula & tactus essent frequentes ita ut indicarent propensum valde sponsi in alterum animum, ut merito possit timeri, ne ipse minus sit sponsam amaturus, aut fidem ei non seruaturus.

S. 1. **D**eo hoc casu interrogatus, probabiliter affir- Sup. hoc in marijue respondi, nixis auctoritate Calti Ref. præterit.

Palaus, & rationibus ab ipso adductis tom. 3, disp. 1, punct. 25, num. 8, cui addit Leandrum de Sacram. tom. 2, r. 9, disp. 2, quest. 37, & Hurtadum disp. 2, diff. ul. 11, num. 42, & Ochagauian, tract. 1, de matrimon. quest. 23, num. 1, eo quod prædictis osculis, & tactibus fides in sponsalibus data violetur. Quippe contraentes sponsalia promittunt nendum corpus suum non tradere alteri in matrimonij vñum, sed sibi inuicem reservare, ut matrimonio contrario, eo vi possint: quam tamen sponsionem admittens oscula, & tactus, violat: ergo illi fides non est necessarij seruanda, quia frangenti fidem fides seruanda non est. Præterea, esto ex prædictis osculis & tactibus sponsus, spectata hominum conditione, non reputetur vilior, sicuti reputatur sponsa; at negari non potest, reputari impudicum; & suspicione non leuem ingerere, sponsam minus esse amaturum, & fidem non seruaturum: quæ videantur sufficere ad sponsalium dissolutionem.

2. Non nego tamen, opinionem negatiuam esse probabilem, quam olim ego docui, & tuetur nouissim Pater Perez de matrim. disp. 9, scil. 16, num. 8, & alij, assertores, hoc procedere, si ex parte Femina oscula, & tactus fuerunt admissi; secus autem ex parte viri; ut erat in casu nostro: quia ob prædicta oscula, & tactus vilior redditus non est, nec probrum est Femina cum illo contrahere. Excipit tamen Coninch, nisi oscula, & tactus ita sint frequentes, ut indicent propensum valde sponsi in alterum animum, & meritò timeri possit, quod sponsam non sit amaturus, aut fidem non seruaturus. Idem tenet Layman, lib. 5, tract. 10, part. 1, cap. 2, num. 10.

3. Sed difficultas etiam est, utrum licet utrique sposo a sponsalibus resilire, quando uterque fornicationem commisit post sponsalia? Sanchez lib. 1, disp. 55, num. 10, sequitur Henriquez, lib. 11, de matrimon. cap. 14, num. 6, & Coninch disp. 23, dub. 7, num. 65, sentiunt, non Femina, sed solidi virum posse in eo eventu ab sponsalibus resilire. Probant, quia ex parte sponsi in eo casu datur compensatio delicti, non autem respectu sponsa; quia delicta sunt valde imparia. Hæc sententia est fatis probabilis: sed non minus probabilem affirmatiuam esse existimo, quam tener Palaus ubi supra num. 10, & Perez, scil. 16, num. 2, cum Leandro, quest. 34: Ratio est, quia in causa matrimonij uterque sponsus æqualis est: ergo mutua fornicatio compensatur, ita ut delictum unius compensetur cum delicto alterius. Firmo, quia cum uterque coniux post contractum matrimonij, commisit adulterium, vir adulter non potest mulierem adulteram repudiare, quamvis adulterium vxoris sit grauius adulterio viri, utpote ignominiosius, & periculosius; ergo similiter nec sponsus potest repudiare, seu dissoluere sponsalia, quando uterque commisit fornicationem post sponsalia; tamen sponsus subeat maiorem ignominiam, ac damnum per fornicationem sponsi, quam subeat sponsa per fornicationem sponsi.

4. Respondent aduersarij, longè difficultiore esse separationem tori, quam sponsalium. Sed contra est, quia licet multo facilius solvantur sponsalia, quam matrimonium, quod totum, sponsalia enim ob quamlibet notabilem mutationem superuenientem dissoluuntur, separatio vero tori non ita facile fieri potest: attamen quoad fornicationem etiam paratur in iure, scilicet ex cap. Quemadmodum de iure iurando; ut nimis sicut fornicatio, FF quæ

Sup. hoc in
Ref. seq.

Docuit in
Ref. nor.
præterit.

Sup. hoc ibi-
dem in fine.

Sup. hoc in
Ref. nor.
præterit, §. 2.
in fine.

RESOL. XIV.

Femina Nobilis contraxit sponsalia cum Caio, queritur, an possit ea dissoluere propter oscula, & tactus impudicos cum altera?

Et difficultas est, utrum licet utrique sposo & sponsalibus resilire, quando uterque fornicationem commisit post sponsalia?

Et notatur cum sponsalia valida sunt, tunc si post cognitionem causam ad dissoluenda sponsalia, quis cognoscet carnaliter sponsam, amittit ius dissolendi sponsalia?

Idem est, quando viri copulatus matrimonio cum uxore post cognitionem eius adulterium eam cognoscit, quod amittit ius petendi diuinitum?

Et quid, si supradicta sponsalia erant nulla ipso iure, an per copulam validam, si contingat ipsa copula cum scientia illius defectus, qui erat in sponsalibus?

Et quid, si sponsus ignorat ius residendi, & cum ea ignorantia cognoscit sponsam, an censeatur sponsalia ratificare?

Et notatur, quod in foro interiori conscientie sponsa non amittit ius residendi, si accedat ad sponsam sine animo perseverandi in sponsalibus?

Et an accedens ad sponsam absque animo cedendi proprio iuri, possit resilire a sponsalibus & solum comparsare damnum?

Imon non tenetur compensare damnum illatum, quando accedens protestatur sponsa se ad ipsam accedere cum voluntate non renunciandi iuri residendi à prioribus sponsalibus?

Et an que supradicta sunt de fornicatione carnali, locum habent in spirituali, scilicet in heresi, & maxime quando Heretici cohabitatio est innocentis periculosa? Ex part. 10, tr. 11, & Misc. 1, Ref. 18.

Tom. II,